

Палуандар жүлдемен оралды

Таяуда Теміртау қаласында жауынгерлік самбодан 1998-99 жылы туған жастар арасында ел чемпионаты болып өтті. Турнир жасөспірімдер арасында әлем чемпионы атанған Балтабек Қызметті еске алуға арналды. Балтабек осыдан сегіз жыл бұрын көз жұмған еді. Осы жарысқа біздің облыстан қатысқан палуандар жеті қола, үш күміс және бір алтын медаль еншіледі.

Біріншілік өте жоғары деңгейде өтті. Ұйымдастыру жағы да



мықты. Жарысқа өте көп палуан қатысты. Мұнда команда емес, жекелеген сындар есепке алын-

ды, – дейді самбодан облыстың аға жаттықтырушысы Руслан Таңқыбаев.

Жарыста 48 келі салмақта сынға түскен арқалықтық Серік Есенкелді чемпион атанды. Қостанайлықтар: Рахат Сейітмағамбет, Аңсарбек Ғалымов, ҚР спорт шебері Жан Сәбит "күміс" жүлдені жеңіп алды. Ал "қола" жүлдені Ерқанат Қуанышбай, Диас Биғали, Әділет Жаңбыршы, Әлішер Білім, Данияр Ибайдуллин, ҚР спорт шебері Бақтияр Болатовтар еншіледі.